



# PROJEKAT PODRŠKA GRAĐANIMA U BORBI PROTIV KORUPCIJE

NEWSLETTER ZA I KVARTAL 2021.



**USAID**  
OD AMERIČKOG NARODA



CENTRI CIVILNIH INICIJATIVA  
LESTRIPI IGRADNENIA I INICIJATIVA



TRANSPARENCY  
INTERNATIONAL  
BOSNA I HERCEGOVINA



CENTAR ZA RAZVOJ MEDIJA I ANALIZU



**ZA POVLAŠTENE MILIONI,  
ZA DINU 0 KM!**

Zbog NETRANSARENTNE  
DODJELE SREDSTAVA,  
nema podrške za sve  
organizacije u Brčko distriktu!



## OTVORENI REGISTAR NOSILACA JAVNIH FUNKCIJA

Transparency International u BiH predstavila Registar nosilaca javnih funkcija koji sadrži informacije o materijalnim interesima i potencijalnim sukobima u svim nivoima vlasti u BiH. Registar omogućava javnoga interesa javnih funkcionara u otvorenom digitalnom prostoru prema javnosti i omogućuje transparentnost u radu javnih funkcionara, institucija vlasti, administrativnog sistema i javnih službi funkcija države.



# PROJEKAT PODRŠKA GRAĐANIMA U BORBI PROTIV KORUPCIJE

Newsletter za period I kvartala 2021

Projekat „Podrška građanima u borbi protiv korupcije (ACFC)“ provode Centri civilnih inicijativa (CCI), kao glavni implementator, te Transparency International BiH (TIBiH) i Centar za razvoj medija i analize (CRMA) kao partneri na projektu, a podržan je od strane Američke agencije za međunarodni razvoj (USAID). Projekat se implementira u periodu septembar 2019 – septembar 2024. godine. Cilj projekta ACFC je povećati učešće građana u borbi protiv korupcije, te su sve projektne aktivnosti dizajnirane i osmišljene na način da potiču snažan i održiv antikorupcijski aktivizam u cijeloj zemlji i na svim nivoima. Projekat ACFC ima za svrhu da civilno društvo bude reprezentativno i kredibilno u borbi protiv korupcije.

U okviru projekta realizuju se sljedeće aktivnosti:

- Monitoring i zagovaranje antikorupcijskih legislativa u sljedećim oblastima: sukob interesa, zaštita zviždača, javne nabavke i zloupotreba javnih sredstava u izbornim kampanjama;
- Uključivanje građana i izgradnja kulture koja odbacuje korupciju
- Koordinacija i izgradnja kapaciteta uključenih organizacija

# Antikoruptivni aktivisti širom Bosne i Hercegovine



## **Konjic**

- UG “Pusti me da tečem”

## **Mostar**

- UG “Jer nas se tiče”
- Ekološka udruga Majske cvijet
- NGG „Stop nelegalnoj gradnji na Bijelom Brijegu“
- Udruženje profesionalaca, trenera i službenika za javne nabavke u BiH (UPTIS)

## **Brčko**

- NGG “Za transparentno finansiranje neprofitnih organizacija iz budžeta Brčko distrikta”
- Omladinski centar Vermont
- UG „Demos“

## **Doboj**

- NGG “Za legalnu eksploataciju minerala iz korita rijeke Bosne”
- NGG “Licencirane i akreditovane visokoškolske ustanove - validne i priznate diplome”
- NGG „Uklonite Heksan iz Kotorskog“,
- Centar za humanu politiku
- UG “Tolerancijom protiv različitosti (ToPeer)”

## **Maglaj**

- NGG „Za legalnu eksploataciju minerala u gornjem toku rijeke Bosne“,

## **Višegrad:**

- NGG “Odbranimo rijeke Višegrada”

## **Vitez**

- NGG “Hrabre žene Kruščice”
- NGG “Naše zgrade - naše pravo da znamo”

## **Sarajevo**

- NGG “Hastahana park”
- Inicijativa KCUS
- Udruženje „Ja BiH u EU“
- Udruženje poslodavaca u Federaciji BiH
- BIRN BiH
- Udruženje “Baby Steps”
- Udruženje Sindikat uposlenika Fonda
- Inicijativa za šumarstvo i okoliš
- Aarhus centar

## **Foča**

- UG “Bjelava”

## **Goražde**

- NGG “Spasimo Drinu”

## **Zenica**

- Inicijativa za namjensko i transparentno trošenje sredstava Fonda za zaštitu okoliša FBiH

## **Trnovo**

- NGG “Stop nelegalnom odlaganju otpada na Krupačkim stijenama”

## **Istočno Sarajevo**

- NGG “Stop izgradnji mHE na Kasindolskoj rijeci”
- “Ženski interaktivni ruralni centar” (ŽIR)

## **Jablanica**

- UG “Za Doljanku”

## **Banja Luka**

- UG “Restart Srpska
- Unija udruženja poslodavaca Republike Srpske”
- Udruženje „Misli dobro“
- UG “Put pravde”

## **Drvar**

- NGG “Drvar bez nelegalnog otpada“

## **Zvornik**

- NGG „STOP nelegalnim šljunkarama na rijeci Drini“

## **Bijeljina**

- Helsinški odbor za ljudska prava

## **Trebinje**

- UG “Stop mobbing”

## **Tuzla**

- UG “Izgled prirode”



## Pobjede u borbi protiv korupcije!

Aktivisti širom Bosne i Hercegovine od početka godine nižu pobjede u borbi protiv nezakonite izgradnje mHE na rijekama koje predstavljaju simbol života i opstanka tim građanima. Zahvaljujući upornosti i istrajnosti aktivista, na 14. sjednici Narodne skupštine RS jednoglasno je usvojen Prijedlog Deklaracije o zaštiti rijeka u Republici Srpskoj nakon što su iznesene neke od neregularnosti i proceduralnih propusta koji su učinjeni u slučaju izgradnje mHE Bjelava. Nakon toga je UG Bjelava iz Foče, koje se već godinu dana bori protiv nelegalne gradnje mHE Bjelava, podršku pružila i lokalna vlast. Na tematskoj sjednici, sa temom mHE Bjelava, je Skupština opštine Foče donijela zaključak u kojem između ostalog zahtijeva od nadležnog ministarstva i Komisije za koncesije da izvrši analizu i preispitivanje zaključenih koncesionih ugovora, te da se prilikom preispitivanja koncesionih ugovora uzme u obzir blizina glavnog vodovoda i cjevovoda mHE, čime se ni u jednom trenutku ne smije dovesti u pitanje bezbjedno snabdijevanje građana pitkom vodom.



Na lokalnom nivou su pobjedu postigle i Hrabre žene Kruščice. Općinsko vijeće Vitez je na osnovu pristiglih primjedbi građana kao i inicijative koju su predale Hrabre žene Kruščice odnosno ekološko društvo Bistro, na sjednici u aprilu jednoglasno izrazilo stav da se volja građana mora poštovati, odnosno mHE brisati iz Prostornog plana SBK, uključujući i one planirane na Kruščici.

I ekološka udruga Majski cvijet iz Mostara je ostvarila značajne pobjede u svojoj višegodišnjoj borbi protiv izgradnje mHE na Bunskim kanalima. Skupština HNK/Ž je usvojila zaključak o preispitivanju koncesionog ugovora za izgradnju ovih mHE, a i vijećnici Gradskog vijeća su zauzeli stav protiv izgradnje mHE na Bunskim kanalima te iskazali spremnost da se mHE Buna 1 i 2 ne nađu u novom Prostornom planu Grada Mostara koji je u izradi. Pored toga, Kantonalni sud u Mostaru je poništio odluke o vodnoj saglasnosti za izgradnju mHE Buna 1 i 2 i predmet je vraćen na ponovni postupak.

Krajnje i udruženje građana Pusti me da tečem je dobilo podršku od načelnika općine i federalnog ministra energije u njihovoj borbi protiv izgradnje 15 mHE na rijeci Neretvici.

*„Njihovo je da probaju, naše je da ne damo i neće dobiti garantujemo“, Vejsil Hondo, Konjic.*

# Pobjede u borbi protiv korupcije!

Građani Bosne i Hercegovine se sve glasnije bore protiv nelegalne eksploatacije šljunka, koja dovodi do ekološke katastrofe. Svojom istrajnošću su uspjeli da ostvare uspjeh u borbi. Građani Doboja, Modriče, Šamca i Vukosavlja okupili su se oko inicijative „Za legalnu i kontrolisanu eksploataciju šljunka u slivu rijeke Bosne“ zbog borbe protiv nezakonitosti u njihovim lokalnim zajednicama. Nakon što su uputili otvoreno pismo Vladi RS, odnosno Ministarstvu poljoprivrede, šumarstva i vodoprivrede i Ministarstvu energetike i rudarstva, te Javnoj ustanovi „Vode Srpske“ i Republičkoj upravi za inspekcijske poslove, u kojem ih argumentovano, sa priloženim dokazima na kojima se vidi „rad“ šljunkara i ono što su ostavili iza sebe, upozoravaju na ekocid na području opštine Doboj, nastao pretjeranom i nelegalnom eksploatacijom prirodnih resursa, izazvana je reakcija nadležnih institucija. Iz Ministarstva energetike i rudarstva su dobili odgovor da to Ministarstvo „nije nadležno za upravljanje vodotocima i za donošenje zakonske regulative iz oblasti voda“, a sa druge strane Ministarstvo poljoprivrede, šumarstva i vodoprivrede je dostavilo detaljna pojašnjenja i odgovore, te se zahvalilo za ukazivanje na problem. Iz Javne ustanove „Vode Srpske“ posredno su priznali odgovornost za ekocid kod Doboja, konstatacijom da je dislociranje i vađenje materijala iz vodotoka u koritima i vodnom zemljištu u njihovoj nadležnosti, ali su i naglasili da je s obzirom na problematiku upravljanja vodotocima u RS, neophodna koordinirana saradnja svih nadležnih organa u pogledu nadzora, kako bi se onemogućio nelegalan rad privrednih subjekata.

I građani Maglaja se bore protiv nelegalne i nekontrolisane eksploatacije šljunka iz korita rijeke Bosne. Oni su se okupili oko inicijative „Zaustavimo nelegalnu eksploataciju šljunka u Maglaju“ i na njihov zahtjev za pregled eksploatacionih polja na području ove opštine, Agencija za vodno područje rijeke Save im je navela da nije sklopila niti jedan ugovor o vađenju materijala iz vodotoka rijeke Bosne, niti je izdala vodne saglasnosti za 2021. Također, potvrdila je da problem nelegalne i nekontrolisane, eksploatacije šljunka iz korita rijeke Bosne, postoji više od 20 godina, a posljedice njegovog postojanja su višestruke i najviše se ogledaju u uništavanju riječnog korita rijeke Bosne, poljoprivrednog zemljišta uz rijeku, te direktnom ugožavanju stambenih i poslovnih objekata, kao i saobraćajnica u njegovoj blizini. Prijava građana Maglaja zbog sumnji u nelegalnu i nekontrolisanu eksploataciju šljunka na području Zeničko-dobojskog kantona, između Maglaja i Žepča, pokrenula je Federalnu upravu za inspekcijske poslove, odnosno Federalni vodni inspektorat, da izađu na teren kako bi utvrdili činjenično stanje.



*„Ovo znači da ćemo se morati iseliti odavde, kada ne bude rijeke i ovog korita, kad ne budemo imali vodenice, mi nemamo šta više ovdje raditi“, Miloš Vujičić, mještanin i vlasnik vodenice na rijeci Bjelava.*



## Pobjede u borbi protiv korupcije!

Upornost građana i građanki Bosne i Hercegovine pobjeđuje u borbi protiv nelegalnog i nezakonitog odlaganja otpada širom zemlje.

Hrabri građani Drvara i Bosanskog Grahova okupljeni oko inicijative „Dvar bez italijanskog otpada“ su ostvarili izuzetan uspjeh u svojoj borbi protiv nelegalno deponovanog otpada iz Italije, u Drvaru i Bosanskom Grahovu. Upravo zahvaljujući građanskom aktivizmu i medijima, završen je dugoočekivani odvoz i uništavanje stotina tona spornog tekstilnog otpada uvezenog iz Italije. Čak su građani, kako bi bilo sigurni, od policije tražili da isprate kamion van teritorije opštine. Nakon što je nelegalno deponovan otpad odvezen na

uništavanje, građani su poslali javni zahtjev za utvrđivanjem odgovornosti nadležnih.

Udruženje građana “Jer nas se tiče” iz Mostara se već godinama bori za izmještanje deponije Uborak, koja radi bez okolinske dozvole. Nakon godina bezvlašća u Mostaru, konačno je izabrana nova lokalna vlast na čelu sa novim gradonačelnikom, koji je nakon sastanka sa ugroženim građanima, posjetio deponiju Uborak i izjavio da je voljan raditi na pronalasku odgovarajućeg rješenja koje će im biti prihvatljivo. Spomenuo je da se trenutno čeka na Plan prilagodbe, koji se, kako je rekao, smatra prvom fazom kada se ide ka zatvaranju deponije. Gradsko vijeće Grada Mostara je pokrenulo izradu novog Prostornog plana Grada Mostara.





Nakon mjeseci borbe, neformalna grupa građana „Stop nelegalnom odlaganju otpada na Krupačkim stijenama“ je pokazala opravdanost svojih sumnji u neregularnosti i nezakonitosti u radu deponije Krupačke stijene. Od Ministarstva za prostorno uređenje, građevinarstvo i ekologiju Republike Srpske, su na zahtjev, dobili informaciju da deponija Krupačke stijene od 2018. nema ekološku dozvolu i radi nelegalno. Odmah po objavljivanju ove informacije u javnost, deponija je privremeno zatvorena, a čelni ljudi opština Istočna Ilidža, Istočno Novo Sarajevo i Trnovo, kao i direktori komunalnih preduzeća sa područja ovih opština su održali sastanak. Na tom sastanku je zaključeno da se svi ugovori sa preduzećima iz Istočne Hercegovine (za koje se sumnja da su na deponiju, tajno, dovlačili opasni medicinski otpad) raskinu, te da se deponija u Krupačkim stijenama ubuduće koristi samo za potrebe opština Istočna Ilidža, Istočno Novo Sarajevo i Trnovo, što se kasnije i ispoštovalo.

„Ovdje se igraju naša djeca, Uborak je problem svih nas“





Antikoruptivni aktivisti širom Bosne i Hercegovine se bore protiv neregularnosti, nezakonitosti i brojnih kršenja zakona i prava. Građani Goražda okupljeni oko inicijative Spasimo Drinu, nakon godinu dana svoje borbe, ostvarili su jedan značajan uspjeh – njihova borba se našla na dnevnom redu sjednice Parlamenta Bosne i Hercegovine. Zastupnički dom Parlamenta BiH usvojio je inicijativu za hitni inspeksijski nadzor poštovanja rješenja o zabrani daljnjih radova na obaloutvrđi u Goraždu, čime je potvrđeno da borba građana nije bila uzaludna.

Sa druge strane, građani Viteza okupljeni oko inicijative „Nezakonitost trošenja sredstava za održavanje zgrada u Vitezu“ su dobili podršku lokalne vlasti. Opštinsko vijeće Viteza je dalo saglasnost na Program rada Javnog stambenog preduzeća „Vitez stan“ za 2021. godinu, uz zaključak da u roku od mjesec dana nadležna općinska Služba i direktor JSP „Vitez stan“ urade analizu trenutnog stanja u ovoj oblasti, i da fokus aktivnosti usmjere ka cilju da što više etažnih vlasnika odabere svog predstavnika koji bi zastupao interese stanara. Osim toga i sam direktor JSP Vitez je na sastanku sa građanima izrazio spremnost da realizuje sve zahtjeve koje su pred njega predložili u segmentu nagomilanih problema u radu spomenute ustanove i komunikaciji sa stanarima.



*“Ugroženo nam je pravo na vodu, pravo na vazduh, pravo na hranu jer sutra kada bude zagađenost podzemnih voda ogromna, biljke koje mi uzgajamo će biti otrovne”,*

Roksanda Mičić, Istočno Sarajevo.





## USPJEŠNE KAMPANJE U BORBI PROTIV KORUPCIJE

Omladinski centar Vermont je u sklopu svog projekta „Transparentno do jakog poljoprivrednika“ nakon imenovanja novog šefa Odjela za poljoprivredu, šumarstvo i vodno gospodarstvo Brčko distrikta BiH uspio osigurati sudjelovanje novoformirane Radne skupine na sastancima za izradu novih kriterija i mehanizama za dodjelu poljoprivrednih poticaja iz sredstava Brčko Distrikta.

Udruženje poslodavaca Republike Srpske je u sklopu projekta „Smanjenje koruptivnih rizika u radu inspeksijskih službi u RS-u“, nakon dobivanja mišljenja Inspektorata RS-a i Udruženja poslodavaca Federacije BiH, službeno predala inicijativu za izmjenu propisa Ministarstvu trgovine i turizma u Vladi Republike Srpske. Također, na web stranici Inspektorata RS je riješena mogućnost prijave korupcije u radu inspektora.

Udruženje poslodavaca Federacije BiH je u okviru projekta „Poslovanje bez korupcije“ organizirao drugi sastanak Fokus grupe za izradu zakona o jedinstvenom inspeksijskom postupku, Zakona o izmjenama i dopunama Zakona o inspekcijama, Zakona o izmjenama i dopunama Zakona o prekršajima i Zakona o izmjenama i dopunama Zakona o upravnom postupku sa kojeg su svi argumenti ugrađeni u tekstove zakona koji će biti predmet izmjena i dopuna. Fokus grupa za izradu Zakona o izmjenama i dopunama Zakona o kontroli cijena, Zakona o izmjenama i dopunama Zakona o unutarnjoj trgovini i Zakona o izmjenama i dopunama Zakona o hrani je na svom prvom sastanku usvojila zaključke koji će služiti kao smjernice za rad stručnog tijela koje će biti zaduženo za izradu konačnog teksta ovih zakona.

Udruga “Sindikata zaposlenih u fondu” je u sklopu projekta „Sistematično i beskompromisno protiv sistemske korupcije u javnom sektoru koja ugrožava pravo na rad i dostojanstvo osoba sa invaliditetom u Federaciji BiH“ izvješćujući o konkretnim slučajevima korupcije uspjela animirati Financijsku policiju da istraži slučajeve zlouporabe sredstava u profesionalnoj rehabilitaciji i zapošljavanju osoba s invaliditetom. Nakon što se skupina osoba s invaliditetom dogovorila da javno govori o zlostavljanjima kojima su svjedočile i bile žrtve u kompaniji Hug Ltd - podružnica Olovo, Financijska policija poduzela je istražne radnje. Osim toga, Fond za profesionalnu rehabilitaciju i zapošljavanje osoba s invaliditetom je počela objavljivati kratke izvještaje sa sjednica Uprave, nedugo nakon što je Udruga istakla koje podatke i u kojem razdoblju treba objaviti.



Aktivnosti DEMOS-a u okviru projekta „Skenirajmo korupciju“ su rezultirale odlukom voditelja Odjela za javno zdravstvo da bude uključen u nadzorni tim u svojstvu promatrača, a medijske aktivnosti su pobudile veliko zanimanje većine lokalnih internetskih i TV medija te je tema pokrenuta i na jednom od zasjedanja lokalnog parlamenta.

U okviru projekta “Kroz zdravije javne nabavke do smanjenja korupcije u zdravstvu” koju je realizovao UPTIS kreiran je obrazac pravilnika za javne nabavke u saradnji sa 5 javnih zdravstvenih ustanova koji može značajno ojačati sistem javnih nabavki i doprinijeti jačanju prevencije od korupcije. Nakon toga, institucijama uključenim u projekat dostavljen je model internog pravilnika o javnim nabavkama, koji sadrži odredbe koje jačaju integritet ugovornih organa u borbi protiv korupcije, a koji je i prilagođen specifičnim potrebama naručilaca koji primenjuju propise u javnim nabavkama u zdravstvenom sektoru.

BABY STEPS je objavom istraživanja trenutnog antikorupcijskog pravnog okvira u zdravstvenim ustanovama zajedno sa praksama i iskustvima akušerskih i medicinskih radnika završio implementaciju projekta “Borba protiv korupcije u porodilištima”. Cilj istraživanja akušerstva u Bosni i Hercegovini bila je objava iskustava iz prve ruke koja se odnose na korupciju u akušerstvu u Bosni i Hercegovini, a cilj istraživanja medicinskog osoblja koje radi u akušerstvu u Bosni i Hercegovini je objava njihovih iskustava kako bi javnost vidjela i drugu stranu priče.

ŽIR je u okviru svog projekta „Prevenција korupcije u zdravstvenom sistemu Bosne i Hercegovine“ dodatno ojačao Koordinaciono tijelo zaduženo za izradu prijedloga univerzalnog pravilnika za borbu protiv korupcije u zdravstvenim institucijama Sarajeva i Istočnog Sarajeva i za stvaranje preporuka i inicijativa za poboljšanje osnovnih lista lijekova. Restrukturiran je nacrt poboljšanog pravilnika za borbu protiv korupcije u zdravstvenim ustanovama, koji će, između ostalog, poboljšati sistem prijavljivanja korupcije i osigurati konstituisanje stalne komisije za ispitivanje prijave korupcije, u kojima će biti stručnjaci iz nevladinog sektora.

# ANTIKORUPCIJA

Izdvajamo 3 najčitanije vijesti sa portala [antikorupcija.info](http://antikorupcija.info):

»Ekskluzivno: Video snimak katastrofalnih posljedica nelegalnog šljunkarenja na koje vlast nije reagovala«

Fotografije devastacije zemljišta kod Doboja na području Osječana, koje je snimila neformalna grupa građana „Za legalnu i kontrolisanu eksploataciju šljunka u slivu rijeke Bosne“, naišli su sa objavom na portalu Antikorupcija.info na veliku pažnju javnosti, pa i na nevjericu da se radi o stvarnim prizorima.

Nastavak možete pročitati na:  
[www.antikorupcija.info](http://www.antikorupcija.info)

## GRAĐANI U AKCIJI



► U fokusu -

Za legalnu i kontrolisanu eksploataciju šljunka u slivu rijeke Bosne - neformalna grupa građana Doboja, Modriče, Vukosavlja i Šamca

**EKSKLUZIVNO: VIDEO SNIMAK KATASTROFALNIH POSLJEDICA NELEGALNOG ŠLJUNKARENJA NA KOJE VLAST NIJE REAGOVALA**

© 17.03.2021 LjB, Antikorupcija



## GRAĐANI U AKCIJI



► Za legalnu i kontrolisanu eksploataciju šljunka u slivu rijeke Bosne - neformalna grupa građana Doboja, Modriče, Vukosavlja i Šamca

**EKOLOŠKA KATASTROFA KOD DOBOJA. GRAĐANI ZAHTEVAJU ODGOVORNOST!**

© 15.03.2021 LjB, Antikorupcija (Foto: NGG)



Nelegalna eksploatacija šljunka od obradivih je površina uz rijeku Bosnu stvorila područja koja nalikuju posljedicama katastrofalnih poplava.

»Ekološka katastrofa kod Doboja. Građani zahtjevaju odgovornost!«

Neformalna grupa građana „Za legalnu i kontrolisanu eksploataciju šljunka u slivu rijeke Bosne“ uputila je otvoreno pismo Vladi RS, odnosno Ministarstvu poljoprivrede, šumarstva i vodoprivrede i Ministarstvu energetike i rudarstva, te, Javnoj ustanovi „Vode Srpske“ i Republičkoj upravi za inspeksijske poslove, u kojem ih argumentovano, sa priloženim dokazima, upozoravanju na ekocid na području opštine Doboja, nastao pretjeranom i nelegalnom eksploatacijom prirodnih resursa.

Nastavak možete pročitati na:  
[www.antikorupcija.info](http://www.antikorupcija.info)

»Spektakularan preokret: Policija otkriva da su radovi na MHE Bjelava rezultat prevare direktora Srbinjeputeva?«

Da li je ovim okončana agonija mještana i eko-aktivista, koji se već mjesecima bore protiv izgradnje mini hidroelektrana na ovom području i vlastima na svim nivoima ukazuju na nezakonito postupanje investitora? I da li će konačno moći biti održana sjednica Skupštine opštine Foča, blokirana upravo na ovom pitanju?

Nastavak možete pročitati na:  
[www.antikorupcija.info](http://www.antikorupcija.info)

## GRAĐANI U AKCIJI



► NGG "Sačuvajmo rijeke Foče" i UG "Bjelava" - Inicijativa protiv izgradnje MHE u opštini Foča - U fokusu

**SPEKTAKULARAN PREOKRET: POLICIJA OTKRIVA DA SU RADOVI NA MHE BJALAVA REZULTAT PREVARE DIREKTORA "SRBINJEPUTEVA"?**

© 13.10.2020 TH, Antikorupcija



Da li je ovim okončana agonija mještana i eko-aktivista, koji se već mjesecima bore protiv izgradnje mini hidroelektrana na ovom području i vlastima na svim nivoima ukazuju na nezakonito postupanje investitora? I da li će konačno moći biti održana sjednica Skupštine opštine Foča, blokirana upravo na ovom pitanju?

## SUKOB INTERESA

Nakon potvrde rezultata lokalnih izbora, TI BiH započeo je unos podataka o nositeljima javnih funkcija na lokalnom nivou. Tokom izvještajnog razdoblja u Registar nositelja javnih funkcija upisani su podaci o načelnicima opština u Bosni i Hercegovini, zajedno sa podacima o vijećnicima u Kantonu Sarajevo. Upisom podataka o novim nositeljima javnih funkcija, broj službenika u Registru popeo se na 4030, a podaci registra se gotovo svakodnevno ažuriraju.

Tokom unosa i analize podataka u Registar pronađeno je nekoliko slučajeva nespojivih funkcija. Građani su počeli izvještavati o tim situacijama nakon objavljivanja Registra, a TI BiH nastavio je djelovati na relevantne institucije. 120 zahtjeva za besplatan pristup informacijama proslijeđeno je različitim institucijama kako bi se utvrdilo jesu li dvostruke / višestruke funkcije ista osoba ili osobe s istim imenom i prezimenom.

Na 5. zasjedanju Skupštine Brčko distrikta BiH 24. ožujka 2021., delegati su u drugom čitanju usvojili nacrt zakona o sprječavanju sukoba interesa u institucijama Brčko distrikta BiH. Osim toga zakon o sukobu interesa u institucijama Bosne i Hercegovine usvojio je Zastupnički dom BiH 11. januara 2021. Ovaj zakon predstavlja iskorak iz postojećeg zakonskog rješenja jer, između ostalog, propisuje jasnije zabrane obavljanja više funkcija i profitiranja od veza privatnih poduzeća koja posluju s državom, stoga je TI BiH pozvao i Dom naroda da ga usvoji. TI BiH je zajedno s međunarodnim organizacijama radio na izradi ovog zakona.

Više na portalu [www.registar.transparentno.ba](http://www.registar.transparentno.ba)



TRANSPARENCY INTERNATIONAL U BIH  
CENTAR ZA PRUŽANJE  
PRAVNE POMOĆI

# PRIJAVI KORUPCIJU

POTRAŽI PRAVNU POMOĆ

## 0800 55 555

[WWW.PRIJAVIKORUPCIJU.ORG](http://WWW.PRIJAVIKORUPCIJU.ORG)  
[WWW.TI-BIH.ORG](http://WWW.TI-BIH.ORG)



Mreža za praćenje organizacija civilnog društva i volontera, koju koordinira Udruga CRMA, kontinuirano prati javne nabavke putem PratiMotendere.ba. Preliminarne analize pokazuju nastavak trenda kršenja Zakona o javnoj nabavi BiH i kršenja dobrih antikorupcijskih praksi potrošnje javnih sredstava kroz sistem javne nabave. Stranica PratiMo tendere sadrži podatke o 4697 postupaka javne nabave ukupne vrijednosti preko 82 milijuna KM, a izdvajamo nekoliko članaka koji ilustriraju netransparentnu, neopravdanu i ilegalnu potrošnju:


Kantonalna direkcija za puteve Zeničko-dobojskog kantona zaključila je ugovor o nabavi radova - "Zimsko održavanje regionalnih puteva", vrijedan 99.997,16 KM. Ova je nabava primjer višestrukog kršenja zakona i dobre prakse transparentnosti i odgovornosti.

Javno poduzeće "Rudnik i termoelektrana Gačko" (RiTE Gacko) pribavilo je gorivo u vrijednosti od 1,3 miliona KM netransparentnim pregovaračkim postupkom bez najave obavijesti. Nabava je izvršena unatoč podnošenju kaznenih prijava protiv uprave tvrtke RiTE Gacko od strane Transparency International zbog prethodne nabave od 29,1 milijuna KM, također bez javnog konkursa.

Javno preduzeće SPKC Mejdan Tuzla kontinuirano provodi javne nabavke direktnom pogodbom, a gotovo svi ugovori su u iznosima zakonske granične vrijednosti od 6.000 KM.

Javno poduzeće Banovići zaključuje ugovore o nabavi eksploziva, vrijednih pola milijuna KM, pregovaračkim postupkom bez najave i hitno, iako je Planom javne nabave drugačije određeno. Više na pratiMotendere.ba Ugostiteljska služba Vlade RS raspisala je natječaj za skije, skijašku opremu i bicikle u vrijednosti od 232.000 KM. Svrha nabave objašnjava se "nadopunjavanjem turističkih sadržaja" hotela Rajska Dolina na Jahorini. Uz to, kroz uslove navedene u konkursnoj dokumentaciji, znatno suženi krug ponuditelja može ispuniti uvjete za sudjelovanje u ovoj javnoj nabavi.

# JAVNE NABAVKE



Više na portalu pratiMotendere.ba

## OTVORENI REGISTAR NOSILACA JAVNIH FUNKCIJA

Transparency International u BiH predstavlja Registar nosilaca javnih funkcija koji sadrži informacije o mandatima izabranih i imenovanih zvaničnika na svim nivoima vlasti u BiH. Registar omogućava i pretragu nosilaca javnih funkcija sa višestrukim angažmanima, pretragu prema političkom subjektu kojem nosilac javne funkcije pripada, institucijama vlasti, administrativnom nivou na kojem obavlja funkciju i slično.

Nakon objavljivanja postizbornih finansijskih izvještaja za lokalne izbore 2020. godine, TI BiH usporedio je podatke koje su stranke prikazale u svojim izvještajima s podacima prikupljenim tokom praćenja. Tako je 15 glavnih političkih stranaka u Bosni i Hercegovini u svojim postizbornim izvještajima pokazalo 4,5 miliona KM propagandnih troškova. S druge strane, TI BiH zabilježio je najmanje 1,8 miliona KM za medijske usluge i vanjsko oglašavanje (bilbordi) koji premašuju ovaj iznos. Ova otkrića jasno pokazuju da stranke nisu otkrile informacije o finansiranju.

Također, TI BiH je zabilježio troškove reklamiranja bilborda u samo 70 od 142 lokalne opštine i već utvrdio ogroman nesrazmjer između prijavljenih i realno procijenjenih troškova. To znači da su stranke prijavile 3,58 miliona troškova za oglašavanje u svih 142 lokalne zajednice i potrošile 1,8 miliona više u samo 70 nadziranih lokalnih zajednica, s tim da mrežni i drugi modeli oglašavanja uopšte nisu zabilježeni. S druge strane, podaci o medijskom oglašavanju koje su prikupile agencije za nadzor medija za TI BiH, pokazuju da je 15 političkih stranaka potrošilo najmanje 2,79 milijuna KM na proizvodnju i prikazivanje oglasa u medijima.

Nakon pregleda finansijskih izvještaja nakon izbora za 2020. godinu, TI BiH podnio je žalbu Centralnoj izbornoj komisiji BiH zbog kršenja članka 8. Zakona o finansiranju političkih stranaka protiv sljedećih političkih stranaka: Partija demokratskog progresa, Stranka demokratske akcije, Demokratska fronta, Socijaldemokratska partija Bosne i Hercegovine, Narod i pravda, Hrvatska demokratska zajednica Bosne i Hercegovine, Savez za bolju budućnost, Nezavisna lista BiH, Pokret za modernu i aktivnu Krajinu i Socijaldemokrati BiH. Te su stranke primile doprinose od pravnih osoba koje su prethodno zaključile sporazume o javnoj nabavi s izvršnim vlastima u iznosu od 10.000,00 KM.

Na dan izbora u Mostaru, TI BiH izvijestio je čelnika HDZ-a Dragana Čovića, koji je prekršio Izborni zakon došavši na biračko mjesto u maski s karakteristikama svoje stranke. Istog je dana CIK prosljedio prijavu Gradskom izbornom povjerenstvu u Mostaru, koje je prvostupanjnsko nadležno za odlučivanje o prijavljenim kršenjima izbornog zakonodavstva. Uprkos tome, Gradsko izborna povjerenstvo obavijestilo je TI BIH da ne zna da se to uopće dogodilo, iako su dobili izvještaj od CIK-a, TI BIH, a i gotovo svi vodeći mediji u BiH su izvještavali o tom slučaju.



Podržano:



**USAID**  
OD AMERIČKOG NARODA

Ova publikacija omogućena je uz podršku američkog naroda putem Američke agencije za međunarodni razvoj (USAID).

Sadržaj ove publikacije je isključiva odgovornost Centara civilnih inicijativa (CCI) i ne mora nužno odražavati stavove USAID-a ili Vlade Sjedinjenih Američkih Država.